



金國後集

^ 16
674



金園後集

全

674

門八 16
674
卷

文政五年壬午孟春新鐫

金剛復集

貧樂齋藏版



心月禪師小傳

余與心月禪師締方外交。三年于此
矣。且也吾廬與師院相距僅一牛鳴。
花朝月夕。屢相招尋。不啻參禪問法。
簡寄酬和。亦無虛月。以故余也詳師
之為人。今茲辛巳秋。其弟子勉公。手
錄師之行狀。使余撰小傳。且其言曰。
師之後集若干卷。各之。其某。考訂

已畢。將上木馬。獲子之傳。以弁卷首。實勉之志也。蓋師之於詩文。固遊戲之餘事。雖然韻語玄勝。文體高古。當不愧作者也。余欽師之為人。且憐勉公之志。乃為之叙。曰。師名宗瑩。字普濟。自號心月。荏土人。父長野氏。師為兒。游嬉常誦梵唄。八歲投下谷廣德寺明道和尚鬚髮。師之脩道精勵。

非稠人比。日課金剛經。雖風雨寒暑。未嘗怠慢。蓋祈白業無障魔也。暇則博講內外學。秀嗜詩文。觸物應緣。卒爾成章。未嘗構思也。年二十四。掛錫于宋雲院。院者廣德子院。而柳川大圓公之所立也。師應事和易。甚獲檀越心。雖未嘗募建。院政為之一新。陽德公。天壽夫人。敬師之德。存問不絕。

金園後集序
屢有恩賜。文化乙亥冬十月。應法春
推轂。暨住于紫野德禪寺。進位于大
德前堂。或謂師曰。師盍累財歷年。住
于大德乎。師笑曰。前堂固非吾願。况
大德乎。菲德著紫。深所慚愧也。遂還
住于宋雲。師天性慈仁。見人危急。則
衆檀信施。悉分與之。師好放生。居恒
謂人曰。大悲大慈。實浮屠之弘誓也。

某為僧薄德。愧無寶筏。渡苦海。聊放
魚鼈。以充津梁。萬一耳。大凡師之所
放。每歲不下數百千頭。師逢人。則必
說放生功德。善男善女。往往染其化。
捨金放生。亦一年多於一年矣。詩云
孝子不匱。永錫爾類。其師之謂乎。師
所著之詩文。心月軒藁。閑居文集。心
月詩偈。宋雲文集。宋雲詩集。金園集。

京遊紀行已刊行于世。又合此集。凡若干卷。觀之余。知師之文學。實不愧作者也。意師富春秋德業。不止于此。他日盛事。勉公其補諸文。政幸已。水竹居主人源典敬記。

克菴惟德書

朝眠虎刻

金園後集卷上

江戸釋宗螢心月撰

寄河寬齋二首

孔子治人教能仁出世禪庸愚知我拙博學覺君賢林岳紅楓後都城白雪前何當擬支許相對坐青氈

其二

積善存餘慶燕王招上臺通家多長者令子本奇材今住泉橋外曾游崎海隈丘園堪養老束帛日成堆

哭通僊篤上人

多君篤實自光輝何事哀哀渡溼衣千里書來知永訣

蓮花淨土有魂歸

歲晏書懷

柴門歲晚鎖松筠未買青山作隱淪
幸有上天能福善新筵修屋免求人

柱上人見惠醇酒率賦為謝

一壺醇酒寄來時為藥爐頭且暮隨
自是忘憂無及亂開軒何怕朔風吹

新年遇雪

新年瑞雪自翩翩起步瑤階瓊樹連
盆裏梅花開復閉誰人乘興到門前

春曉雪

餘寒春曉雪漫漫高卧袁安早起難
室內衾裯猶蠖屈鼎中冰水煮龍團
粉妝松翠低偏重白凝梅花碎未乾
法侶近來疎懶甚掃除簾隙嘆嗟看

上元日余自東海還欽禪為設浴浴後賦謝

何事勞生去賀年餘寒殘雪孟春天
知君歡喜情存法擔水拾薪侍老仙
法華提婆品情存妙法故

次韻妙解雄峯上人見寄之作

獻歲知君開口哦近來詩興問如何
松窓竹院春眠足獨對梅花幽意多

早春柳川儒官牧大野來訪惠詩賦此謝之

書劍乘春訪梵臺翩翩知爾馬鄉才相携趙老茶三碗
為許淵明酒一杯宴息臨階觀弱草徘徊吟句詠新梅
柳川江戶關山隔勝事談論思遠哉

牧大野嘗游龜子之門學成仕柳川侯客歲來于
江戶邸侍講蘭齋公子今春見示佳什因有此贈
游宦欽君養老身閑居慚我擬安仁嗚珂恨別柳臺月
倚杖觀朝城闕春未邸鶯花開宴早紺園泉石賦詩新
泫然云是顏淵在已作修文地下人

次韻正道禪老明道大和尚二十五年忌香偈代義

作寅

園林二月春將半花吐芬芳古佛心吾亦陪筵為展祭
不知真面恨何深

同前代宗

誰道九原埋骨久儼然面目祖師心慙慙瞻仰加三拜
柳自青青花自深

同前代宗

聞說先師多積德今看令子克家心酬恩金偈元難和
擔得袈裟感念深易語

平安秦子省辱見存問情益楮面讀悉其力役養

親之狀有感賦詩酬之上首
柳暗花明一草亭春來雙眼向誰青
洛陽才子遙相問為報琅琅念佛經

其二

君自安仁色養情榮親何日板輿成
他時如得盧扁妙妙術兼存純孝名

春曉偶成

妒花風雨暗清晨李白桃紅四野春
眠重閑人難早起卧聞黃鳥轉西鄰

京師山有功見訪魚携糖菓未幾告別
悵然賦送

併謝厚情云二首

雲山千里宦遊人來問禪林花水春
特有手中甘味贈清泉煎茗對相親

其二

聞君春曉唱離歌五十三亭勝槩多
此去如遊清見寺芙蓉白雪映滄波

隅田觀花歌

都城之東清江曲士女春游興無極
江中湛湛午潮青岸上依依垂柳綠
賞心余亦慕春榮節後忻逢霖雨晴
春服逍遙携童子來看堤上萬株櫻
櫻花爛熳自成列

金剛後集卷一
風起紛飛如白雪，白雪風前真可憐。此時此景殊幽絕，恍如處女倚新妝。偏恨花時賞不長，為報路傍年少道。浮生榮辱如芬芳。

送鹽玄圭重游長崎

君自長崎還楚然，顧我廬披襟相對語。云是久索居索居何所，樂山水興有餘時。交吳越客或讀軒岐書，三年期已滿千里歸來。初穠花開芳徑垂楊蔭，綠渠又舍名都去。重遊命舟車，滄海波奔岸芙蓉。雪半虛紀行才可竭醫國術，何如行矣學成後。榮親御板輿。

贈中野生詩并序

中野道節信濃人，始信八幡大菩薩。晨昏焚香祈之一夜夢，菩薩告曰：汝自今東行為醫，必得福矣。醒後覺悟，遂挈家來江戶，居于下谷梅堀。醫人累年果若其言，以其室通與余相交，有疾乞藥，一日求記其故，乃畧序之爾。

聞君曾任信濃山維嶽降神，一夢間昔歲移家來此地。今春投藥慰衰顏，留宿戶外屢常滿。嗜酒牀頭杯不闕，道是東鄰真咫尺，何妨數數扣柴關。

贈橋伯壯詩并序

橋伯壯，豐後某郡人，仕為郡主簿，初事乃父，孝父歿後

乃母寢疾者二十九年伯壯以誠養之温清定省使終其天年郡守聞之白大君大君賜祿賞譽其孝云其友松仁菴未告其事請余記之其後伯壯亦入吾室語之聞之愈詳益信其為人此豈古所謂穎考妣之倫乎可謂純孝矣乃贈以詩二十年来純孝人晨昏定省侍尊親親止陽報天增福君自垂名孝妣倫

沼竹溪始末訪見惠古風一首率賦酬之

何圖咫尺有陶君訪我携來新綴文下榻論詩非淺學揮毫題句吐芳芬瀟瀟聲急幽篁雨郁郁嵐迷暮嶺雲慚愧風標難比遠且忻傾蓋此同羣

程家語孔子之郊語

終日此借用謂新知若舊識

初夏偶成

春盡池邊杜若開柴門深閉厭人來誰知跌坐安禪處林岳時聞靈籟催

暮春南谷源君及諸子過桂德院余亦同焉君示

瑶什因次其韻奉酬

非是諸君子誰能扣竹關同游顏面解相見鬢毛斑幽鳥遷枝轉孤雲出岫閑樹濃花已落重肯此躋攀

夏日同牧大野遊隅田

南薰解愠大江頭騷客相攜此勝游天霽遠山如黛出

日斜歸鳥入雲幽，看來波及青楊岸。回望潮分白鷺洲，共約他時明月夜。重乘清興上扁舟。

梅雨晴日同收大野游，日暮里寓目。

梅雨新晴四月天，同人相引向林泉。猗猗綠葉千竿竹，漠漠青苗百畝田。下界郊原供眺望，懸厓茅屋洗愁眠。高談君似東坡老，省悟吾非寶覺禪。

隅江晚望

晚來從僕出香臺，散步逍遙綠水隈。雲散筑波山色秀，風吹淺草寺鐘催。人間憂患相忘矣，象外煙霞望遠哉。好是清涼乘夜月，何妨平地踏霜回。

哭故柳川陽德侯

君侯仁德冠羣英，治國憐民有盛名。身後塗芻埋葬禮，生前劍履侍從榮。闕宮有守晨燈照，路寢無人夜月明。余尔哀哀為哭，嗟幾回香飯祭神情。

余修陽德侯冥福，買鱓數百尾放諸江水，因有此

詠

好生鱓投水發發氣猶龍，期爾生清泰榮華上。玉蓉

謂極樂國中峯淨土，偈誰知孤露客具此大榮華。

余放生次作偈普勸人

六道觀迷昧，循還猶未休。聖賢憐物教，魚鼈擲金求。為

免刀砧苦從他河海游人言空積善三世果應酬

柳川先君陽德公之終也葬于我廣德寺後閣維

既畢分侯及諸大夫每至七日必營齋追薦可謂

敬矣余亦拈香舉偈以叙卑悰云二首

俄遇賢君喪宗臣各竭誠齋居禁肉食祭服進香羹新

廟神如在淨天寃上生吾儕時薦設佛果自茲成

其二

生受封侯富丸游成佛鄉華燈明寶所甘果積香堂蘭

蕙名臣列茲荔法侶行寫經追薦切百福為君裝

奉謝陽德公遺物紗襦二首

六月江城炎熱時飛蚊猛捷噬人肌先君幸有紗襦在
四驛懸來慰所思

其二

聖代未成千里策相看長憶子房帷侯門幾歲防蚊蚋

遺愛今容我輩宜史記高祖曰運籌策帷帳之中
決勝千里之外吾不如子房

七月二十一日偶出市買雀六翼鱸二百尾而放

之

囊中探出放生錢魚入深淵鳥上天贖命即今聊救苦

從他發發又翩翩

送精方和尚東海任滿歸洛寺

緇衣多逐利名羣支遁禪餘獨好文海日晴時辭上寺
山村宿處掃游雲誰知及第心空客曾謁仁陶兩化君
行盡關西千里路迎興少長共欣欣麗心空及第歸壺

此堂偈兩化仁陶德愈馨謂精方謁霸王而歸

送柱禪友從游精方尊者住京之德禪寺兼簡宸

上人

萬僧乘駕去長安法侶相陪涉石巒鏡色夕懸根嶺月
雷聲朝振遠瀛瀾從游步向名山進羈旅情尋陳迹看
為報休公詩不惜知吾住院得閑難羈旅左傳語

六凡珠禪人介太室師之書至自京扣余門乞學文余

以多事且有疾不能教授焉固辭以詩

君自新知欲學文病來無力拂迷雲溫經講習非吾事

更向儒門問博聞王維與裴迪書足下友溫經易朋友講習

茅山學士見過論文席上賦呈

憐君子役在名都見說侯門恩遇殊寵賜頻傾金屋酒
道遙或入紺林厨破書萬卷知才美演法三車覺學孤
支許交遊元莫逆何妨雪月好歡娛

蘭齋公子枉駕見過席上賦呈三首

枉駕論文短景前知君彩筆本翩翩明時邸第多交友
誰似蘭齋公子賢

其二

禪餘耽學本無師作賦從他入共知嗟我何時同季札
周游上國得聞詩

其三

輕肥風骨妙年姿懷抱方逢支遁放君自英才豈雌伏
雄飛他日在高枝

秋日聞蘭齋公子就藩率賦送之

春風梵刹共同群豈謂未門落葉分追錢難傳千里駕
夷猶空望一天雲觀濤時奮枚乘筆游嶽終成司馬文
遙識錦帆浮海去及民仁政就藩聞

園部侯畫其先父泰盛侯之像乞讚因應其命以

露醜拙爾師代正道

峨峨丹岳生此偉人文武兼濟仁義日新撫育羣下保
定黎民終天年後遺愛千春

中秋前一日沼伯經牧大野二居士攜余游花川
戶登樓賞月清興不可言因成古風一篇

江天明月欲圓秋二子相攜來登樓樓上徘徊時一望
月光映水水悠悠沼生牧生文思富每逢光景共風流
俯對澄暉多述作仰看清質解憂愁美人歌舞盡歡閣
吉士絃桐乘興舟詩景紛拏堪屬目却疑身在廣寒游

酬嵐周齋見贈

懶性清貧與世違，留君煎茗啟柴扉。林中禪室無名利，都下儒門有是非。何客相尋揚子宅，誰人來贈大顛衣。詩篇投我金聲響，自識陽春和者稀。

貞鑑夫人，溘往也。痛惜之餘，偈以追薦之。代正道師作

麗質長成尊貴家，芙蓉帳暖有芳華。靈魂一旦升天後，永駕牛車服紫霞。

勉首座自興州歸平賦示之二首

艱難險阻備嘗還，云是探幽松島間。清絕風光言不盡，重隨師去共開顏。

其二

世法元來皆佛法，山林城市兩降心。心頭滅去成清淨，廣度羣迷苦海沈。

贈竹溪居士

一從謝朝列，花月幾吟游。靈運詩抽思，淵明酒解憂。尋雲攀石嶺，聽鳥向林丘。祇合廬山寺，談經終日留。

九日雨

佳節欲登東山岑，因逢風雨休登臨。社中何用白衣酒，瓶裡移看黃菊金。寂寂寥寥誰與語，恨無入室清談侶。悠然高枕一林眠，身逸心安何容與。我樂山水且好文。

鴻鴻難從燕雀羣，世上冥遊多是俗風流。誰似孟參軍放生作。

禪門宗匠多難數，中有曹溪永明祖。二祖仁慈好放生，時時能救鼈魚苦。近來吾亦欲傲之，每出市街捨信施。買得數千頭，鱗介洋洋發發繼。池時因聲富貴與貧賤，滋味雖珍入腹空。各自好生禁食肉，他年佛土樂無窮。

檀越坪內氏，施中金十版。平治泥路，新造石板。其志可嘉也。因作偈讚嘆之。二首。

知君長者布金心，白石平鋪泥濘深。共喜往來安穩處，全功何啻利於今。

其二

崇高富貴事驕奢，誰似袁生積德華。獨有信心檀越在，慈悲喜捨治泥沙。

讀金剛般若經

日照香臺心地清，松聲時和誦經聲。要知般若金剛體，無我無人無衆生。

呈南谷君

明府好詩酒，詩酒延羣賢。賢才何濟濟，暇日集芳筵。歌成飛白雪，曲罷弄朱絃。感念君高義，揮毫各成篇。君言少壯日，曾尹甲山巔。豈啻治平策，無專生殺權。公餘情

纤鬱眺望思陶然身爾多佳句示余彩筆鮮
克家令子祭親辰香火迎吾結勝因為說嚴君平筭業
徧施良藥救黎民

初冬澤周惠松順之二生見訪先是順之數見惠
佳什余院務多多故失報禮因賦小詩酬之
十月開爐試炭時何圖聯壁照茅茨相逢茶果論文處
且喜新知勝舊知

達磨大師讚

為伊澤周惠作

巍巍有道赫赫生知不依文字別立宗師解粘去縛辨

惑釋疑千秋萬歲仰祖深慈

金園後集卷上終

金園後集卷下
 贈雄峯上人序
 江戶釋宗瑩心月撰
 江戶之地佛宮壯麗以寬永寺為最矣增上寺者次之
 東海寺者又其次也凡此三寺官命歲修造焉其子
 院曰妙解者雄峰上人所住也其檀越肥後侯益施金
 帛以助上人法化云上人好詩每與余相遇未嘗不談
 詩而其詩清遠雅健頗異世俗之調豈不得而賞之哉
 上人固志於道謙而有光接其言益文其交益親聞檀
 越樂從其事他年其必將著紫衣王盟東海可知矣余

金園後集卷下

江戶釋宗瑩心月撰

贈雄峯上人序

江戶之地佛宮壯麗以寬永寺為最矣增上寺者次之
 東海寺者又其次也凡此三寺官命歲修造焉其子
 院曰妙解者雄峰上人所住也其檀越肥後侯益施金
 帛以助上人法化云上人好詩每與余相遇未嘗不談
 詩而其詩清遠雅健頗異世俗之調豈不得而賞之哉
 上人固志於道謙而有光接其言益文其交益親聞檀
 越樂從其事他年其必將著紫衣王盟東海可知矣余

於上人以詩與道相交往來有年雖然未嘗有一辭賞
譽其事毋乃忘舊乎故書所見聞以贈之

史漢類語序

大凡事無大小非文不傳於後學無才不才非勤不適
於用是故古之作者寓思篇籍竭才文辭以為不朽盛
事文王之易周公之禮孔子春秋馬班史漢皆是也瑩
禪誦餘暇深意史漢且讀且抄自天文地理以至草木
鳥獸分類聚之名曰史漢類語以擬楚人學齊語也今
也後生之人皆束書不觀世俗游談以過歲月此又何
也庶幾後學之者知其才分之所當得耽悅墳典豐壘

抄讀若螢不才寓思史漢則以文辭記事實傳於後亦
不難矣豈唯學適於用哉至若前所謂聖賢遺文爭光
日月流傳於後世此豈人力也哉可謂生知天授英才
矣何敢歧望之也凡所抄者二卷藏諸文房以便他日
觀覽以為毫端一助云

種德寺檀越祠堂記

種德精舍檀越祠堂修造成其任持政翁禪人來而求
蒙文而志之蒙病久不把筆徐思禪人嘗從於我息心
之暇學文一旦辭去游觀山水再來江戶應檀越之請
遂住于精舍其後院務無難易備嘗之矣無何憂其祠

堂破而欲舍其故而改作焉乃勸其檀越樂善者出財合其寺錢以有所營為云可不把筆哉夫政翁修堂之心吾知之矣欲使其檀越發乎善心預乎勝緣也豈肯徒事其土木耶先是任持者不顧屋漏筵敝而事衣服玩好故積逋如山貧困空囊其不善如此政翁節衣食用以致畜臧多多償舊債其積善如此况於葺屋新建且繕完祠堂乎噫若政翁所謂善人富也是可以書也振古仲尼修春秋也懲惡而勸善可謂後世明戒矣吾於此記亦云

遊隅田記

凡江戸之地東西南北民居相接車馬往來塵埃滿路非所清樂也至如山水清遠莫若隅田夫隅田為境也洋洋水流于長橋之下峨峨山秀乎遠天之外花時陸有連騎之賞月夜水有方舟之遊謂之不樂可乎方外新知牧子吉日良辰未扣玄關乃相引徐步游茲樂土天氣清朗河水安流仰望遠山俯瞰澄波可以玄對風景開滌人情吾悠然顧謂牧子曰子固游于六藝之園博覽乎五車之書以其所蘊述此所樂爛然陳句斐然成章則於是山水可謂無負矣管之人有遊濠梁而樂者子與我至樂有類之邪夫樂山水者豈非清樂哉嗟

夫雖南面王，樂未可易也。子笑而不荅。及暮而歸，歸而不能忘。遂命管城子記之。

再遊隅田記

文政三年孟夏望日，余倦禪誦，晝寢超然。遊於無何有之鄉，忽童子驚夢曰：「有客及門，余恬然起而接之，則牧生大野也。生攜柳川之茶，貽余。余命侍者前之，偶坐飲之。生謂余曰：『今日有霸王使者辱臨，敝邸侍坐成勞，聞體以行和食以動，銷故將遊莽蒼，以散鬱陶。』師盍聯步乎？余無宿諾，乃從侍者，遂同焉。過淺草，臨隅川，至橋上，日已薄，西山遠近蒼蒼，晚煙橫空，淡月映波，觸目之景。

異乎前日之趣。於是生與余緩步下橋，登樓飲宴，快然而歸。余謂生曰：「今日夢遊於無何有之鄉，而樂童子驚夢然後復有同遊之樂，其所樂孰與夢中之樂哉？非生之足音，覺然矣。以再遊茲川之上，嗟乎！生實起予者也。」

蘭亭記

尾張義隆子遠來江戶，志道學文有年數矣。屬卜居神田昇平橋外，命曰蘭亭，乃求余文以記之。余因問曰：「子曷不嘉遯山林而留滯城市乎？」隆曰：「吾非嫌爽塏而樂囂塵，實不得已也。請說其故。」夫事師者為師，見役仕君者為君，被令終身役役，不得陳力其所志，是故吾免師。

君使令雜處城市之間服膺大聖之教乞食餬口晨香
夜禪或波及文雅或習草聖之書又應童蒙之求以誨
之余志亦足矣豈必避世山林于余曰善哉子之言雖
然吾有贈言子宴息以聞之若人離羣索居則恐有羅
什野妓之過也子常清潔其身高尚其志慎勿為好色
食肉者隆曰德音不忘敢不銘佩若夫所以命曰蘭亭
蓋取王逸少之記而亭之内外無可記也故書前言以
贈之

記篤公事

螢行脚時游洛北大德寺寄寓真珠菴菴主篤公愛我

猶弟子使我禪暇學文因留於斯一年詳公為人公常
以教育才德為勤其供已也儉其施人也豐無一日違
仁義禪誦有日課愛蘭菊梅及其花開芳香四薰來者
悅其清雅後生感其高義公順寤後螢也追思其情好
因把筆書其萬一云

虛舟說

京師欽禪人自字曰虛舟就余求其說因申其義曰虛
者空也舟者載也夫其心觸物應緣無我無相謂之虛
其心虛則泛愛容眾無疑無滯謂之舟身心若虛舟能
與世推移安往而不愛哉夫唯虛其心實其腹是老子

之教也禪人歲僅踰弱冠先守此教漸漸進道是其所
造不可量是余不辭其求而所以作斯說也

書寫普門品跋

克菴居士尾惟德好書楷行草無所不學神彩邁逸筆
體整麗文儒韻士時論歸美嘗為余寫詩文若干卷近
又書寫法華普門品數十部以欲藏諸名山上寺其志
可謂善矣乃以其事來告求余一語余曰今也書家者
流有菩提心者少矣惟德以其臨池之暇寫此經王而
藏于名山上寺則其善利無邊菩薩愍之神明護之而
合家皆保福壽惟德其知之

晚香園觀菊記

南谷隱君後園樹以菊比其花奇種異品聯芳接茂千
枝滿籬五彩悅目真奇觀哉當風霜搖落之時顯花葉
芳馨之德若夫盈把食英則可以輔體延年矣始見月
令中入離騷末散唐詩此花可賞如此君恒好客客至
欣然接之故文儒韻士必皆戴君之德莫不入其室悅
其風流服其高致辛巳之秋見邀諸賢與余是時叢菊
流芳其花競妝君對花開筵膳飲從之載笑載言不知
日將暮入夜而退皆歡然若有飽德也君於是使諸賢
咸作菊花詩余乃為之記以塞其責也已

自日暮里遊道謹岡記

余與竹溪居士以文相交久矣今茲孟冬二十七日與俱游觀上野由上野西行數里至日暮里原田之廣臨眺之佳此為尤有亭可憩入深林過幽逕西行數百步至道謹岡愛日晴空千里一碧振衣縱目日光筑波諸峰秀出雲外峩然望中余顧謂居士曰由來都人田夫登此遠望者多矣以詩若文陶寫此景傳聞後世者有幾人與居士答曰但樂自所樂愉快心目豈不真樂乎何必述作余感其語怡然還還而至于亭命煮豆乳及芋羞飯言笑歡樂相忘物我可謂風塵外之遊且夫

峯之遙靄之橫鴈之飛楓之落舉目前好景以效茲亭之下斯地也雖無溪流巖石之美然有游觀廣覽之佳可不記哉頗有羊祜岷山之思日夕嘯詠歸歸而不能忘命之子墨居士姓沼名典字伯經號竹溪博學多識文才如湧以處散職亟遊勝地能作詩文此行也放情山林游賞光景亦作記云是歲文政四年也

陽德院殿下火

五十餘年踏大方仰看仁義德洋洋何圖一旦歸真後公族羣臣恨轉長伏惟新捐館陽德院殿故拾遺補闕元剛紹和大居士其存則賢明治國忠信勤王其亡

則萬人揮淚千歲流芳謂其機用則智劍橫拈裂開真
俗窠窟靈鑑高懸照破生死迷鄉正與麼時津送一句
如何探尋去 鑿一下看他心地空明慶火裏蓮花一朶
香吐

示牧大野書

向辱來訪承論先君之謚余私以本邦釋氏名凶者曰
某院某居士蓋法號而兼謚者也頗異中華之禮足下
未讀佛書故知儒禮未知佛法古今本邦王侯大夫及
士庶人尊信吾佛是故及其終也孝子順孫皆就釋氏
求其法號為之齋祀不用儒禮記昔如李長者龐居士

非學孔子者歟參禪信佛孫思邈寫華嚴經又請僧誦
法華經呂洞賓參禪設供彼神仙也豈肯妄為無益之
事乎今世儒者不讀佛書而非誦佛法者多類足下則
何但詰責足下哉余謂儒教治外佛教治內儒者該博
而佛者簡易治世與出世其教不同矣望足下讀佛書
以窮其理日有新益矣

金園後集卷下終



